


昭季南略

八上

十七



漢書門			
八	〇	九	號
三	七	函	架
四	五	冊	類

內閣文庫			
八	〇	九	漢
三	七	函	書
四	五	冊	類

內閣文庫	
番號	漢 8805
冊數	34 (20)
函號	285 6



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM. Kodak






明季南畧卷之八

隆武二年丙戌

刑罰用舍



丙戌正月朔己酉早朝以足板擲蔣德璟幾傷邵武
知府吳蛟燁推官朱健以南安王入境疑敵兵移眷
他駐坐倡逃建寧府建陽知縣施燾為奸胥搗發坐
貧酷供駢斬市曹漳用府龍溪知縣謝泰宗以貧忝



罰八千金杭嚴道龔可楷航海至閩不用有呼尔蹴
尔之疏終被賊殺死而南來无賴之徒爭上疏謾兵
即得召对片言合旨賚宝鉞賜官爵久之漸多部曹
幾及千人所賞芝龍亦不應

築壇遷將

廷臣屢請命芝龍出關芝龍亦知不出關无以壓衆
心因分兵為二声言万人實不滿千以鄭鴻逵為文
元師出浙東鄭采為副元師出江西隆武倣淮陰故

事築壇郊拜而送之二將既出關疏稱候餉不行迨
留月餘內催二將檄如雨隆武下詔切責曰倘畏縮
不前自有國法在二將不得已踰關行四五百里仍
疏言餉絕留住如故

隆武之遣二將統思廟之遣李建泰也二將之還
留關外統建泰之還巡畿內也

黃道周不屈

大孝士黃道周憤師不前因請以師相募兵江西曰
江西多臣子弟願招之効死軍前隆武命芝龍助之

資芝醜不與一錢隆武惟給空札百函而已道周以
北号召門下得百人居吉安與揚廷麟萬元吉為呼
應出兵徽州為清兵所執械送南京道周絕粒不食
積十四日不死清內院洪承疇憐而欲生之道周不
屈服疇疏救曰道周清節夙著負有重望今罪在不
赦而臣察江南人情无不憐憫痛惜道周者伏望皇
上赦其重罪待以不死清主不允尋同中書賴雍蔡
繼謹等俱救于帝

黃道周誌

三代而后漢唐宋末造可鑑也東西漢之有梅福
滕管寧徒高避之為高唐司空圖韓偓亦然要諸公
非身當事任出交易裁身睢陽張許義與城俱在已
封疆之臣死自其分至宋李若水烈矣考其先有邀
駕出都之誤若非是莫贖者求其取義成仁磊々軒
天地橫古今則必以文信國為正子明銅山黃公后
先最並美者矣公諱道周字幼玄一字端若先生自

莆田徙居銅山所、隸漳岐海最南海波拍戶環在
諸峯含霞霞景在嵯峨掩霽間所居負數間巨石恒
有落勢公号石齋以是曾祖宗德公祖世懋公代著
方直父青原公嘉鄉孝因儒冠母陳氏同經史大義
奉公之夕夢有金甲斧神人擁異兒至所為字蟠
若公以是也公生而徇齊英敏甫成童博極羣書數
千言立就青原公惧其軼也為置性理綱鑑案頭未
浹旬潘閱殆盡極厭薄早瑣慨然有辭家輕奉之意

粵羅浮二山故灵奥區公以十四五時往遊而賦之窮
搜所謂朱明洞天偶一日策衛汲水、驟泛所乘漂
溺良久公忽振衣出顯傳者所遇該將來事其後赴
省試還儀釣龍江舟覆又恍惚如有導之前至某殿
額榜甚奇者兩六莫測何指云公時雖一窶人子未
籍諸生往來郡賢士大夫林公茂桂高公克正萍公
士亮張公燮率敬重礼为上客同散萬易之者初首
本邑童生試以青原公憂輟越五年郡邑試並首公

補郡掌故歲乙卯試闈懷業擢公第一格次場式不
終錄主司來公姜公稽李鄭公共嗟慨久之余以是
秋奉于鄉招獲友公犹憶送主司芋源江上既登舟
特再延元魁五人公与焉未幾鄭公遂改組歸獨偕
公舟行數百里乃別所慰藉良至公尋奉戊午鄉試
第七人成士成進士海內久譽公名共諷傳公制奉
瓶紙窮墨散比諸章程再購為駢枝別集儂離騷行
之公自以束髮授書窮微極將以明天地之道帝王

之義万物變化之紀如大咸經三易洞璣諸書尚未
成後區之托于雕蟲之末非其質矣既改諸中秘益
好為深湛之思先是公之畢令闡也既州方言疏敵
之闕下會已擢第不果至是魏璫祠漸萌同館文公
零益首挫其鋒疏入公擬繼之屬迎母太孺人佇至
議且有待于是公決意歸隱館散授翰林編脩甫數
月急請告終余乙丑春犹及一謁公后聞之前輩公
時暇當經筵展書故事展書官跪膝行數步公謂膝

行非礼也平步進旁侍駭然逆璫連目揖之不為動
噫如以者豈可以死生徇福移其意哉歸葬青原以
北山躬負石止何陳太孺人卒公毀墓三載序居勅
斷外事海寇屢肆掠相戒毋敢犯公既釋墨始稍談
經矢咏以其間料理三易有成緒因于己巳冬辭墓
出山自是公終與人銀危事矣庚午掄典浙江鄉試
事後晉右春坊中允時舊臣袁崇煥以誘殺毛文龍
抵罪辭連舊輔錢龍錫逮詔獄卒朝震怒公奮疏請

寬罪捕死願身輟清華歷疆場約束東江收拾遼東
誓得一箇為贖得肯責令回奏凡三奏竟以詆毀曲
庇為疑鑄三級調用乃聖主則已陰納其言旋于南
郊步禱后釋錢輔出獄卒朝懼動錢輔出頗費宜與
周公延孺敝力願公疏實發其端周公得內倚為重
方久旱驟雨惟是浙闈磨劫事蔓引而年怪當事无
端倡為磨劫試卷之說卷多雜雅馴論直者多羅織
者幸楚榜免余是秋叨典楚試公心微以是望余矣

余同事鍾擢都祀垣元自叅罰理非有他也公屢疏乞休不允念鑄級得當大行欲自請使朝鮮用內請島民外將屬國雄心尚尔勃之忽登州陷无可為者垂出都復以易數上陳遂坐禡賤往時詞林不言事後園戶羨望元咎元答需數次迂公偕其同門倪公元璐出數十年頑滯之習為之一洗後進益發行志氣折檻引裾大都自公啓之宋人之頌歐陽子曰天下士爭自濯磨以通徑季古為高救時行道為吳犯

顏敢諫為忠晉歐陽子功誠有味乎其言之也途次徧徜徉山水至武林諸生徒為築大滌山書院待公山故宋洞霄宮遺趾舊祀李伯紀朱元晦香火公苗少頃同人嚮集旋覽天台雁蕩諸勝以歸二仍序北山墓衿從如雲季舍无所容漳守敦請入郡即紫陽季堂歲定四仲日大會剖晰疑義先經后傳先籍后史皆前矣尋味之所未及所著有核壇問業懿言前

后編行世之間作時文公堂云漢唐而下斗分自羸

趨縮文章自盛趨衰崔蔡之文不及班揚韓柳之文
不及沈宋至元以來斗分自縮趨羸文章自衰趨盛
陶利之繼而有徐何、之繼而有王李又先輩詩
盛而制義未昌今詩衰而制義始盛理各闕至極遠
若近著奉古斯時也公得長保林壑為佳朝議復急
公召復原職以六品高与朝推不獲已出丁丑分較
令闡陞諭德掌司經局事再陞少詹事協理府事与
經筵講公每一迁官輒惕辭奉矣自代暫抵職則必

死乎其官或旬日不訟言得失為負心醜顏寢舍若
靡措者前危以慎喜怒回天請以省刑請以神贖陳
言請回環涂功半在俞弗間惟申明司經局職掌一
疏得請俾輯纂各經書進覽公正當具草值有東宮
諱官之選后進以選不及公非是連章讓美時朝野
必敬得公首 廷推當國粵寔之地指默他移部寺
卿僚爭攘臂希得大柄即詞林耆宿亦不甚利公顧
元奈嘈、輿論何余心知局且有變以冊使行至中

途始聞公召對事也公三疏齊上一劾中樞楊嗣昌
奪情一劾宣督陳新甲冒推一劾遼抚方一藻謬款
揚新入閩承眷上心疑公以不簡用故有所恚對者
公侃々奉綱常名教聲煇揚因操鄭鄮事詆公蓋公
前有三罪四恥七不如疏內云文章意氣輒斬歷落臣
不如錢謙益鄭鄮一行誼實不与于鄉微獨鄮即錢
公未測何如然公但言其文章意氣立言固有法矣
同鄉台省正合疏攻揚益以朋謀為誣誦天語而以

汝偏激稍示裁抑后聞操守隨即賜環又謂暑天勞
頓之餘能成一篇文章才誠可愛洵不為不知子獨
用舍权自操防或借之為名又盈廷唯諾久驟見公
托顏抗辯迹涉創見故雖以史冊所恒聞之語動觸
威嚴部覆鐫六級詞用補江西布政司都事臨行公
哀所纂完洪範月令儒衫緇衣八冊凡三千万言呈
進諸書出公手繕寫即諸疏亦然筆畫端謹道媚可
一望知公五官之用各絕人遠腕日可万事足重

行二千里口裁腹約令數日不食不飢眼如鏡骨
如鉄姿如獨雀至其中所屹持壁立万仞便自謂奔
雷掣電排山倒海弗能奪之矣公業得罪去度且厭
心羣奸恨二未已再歲迂江抚解公李訖陞任恭僚
屬首列公疏例下部不足万幾聞有簽貼其旁致怒
者遂得提騎扭逮之命公先還聞信馳詣南昌請
士紳慰問不荅陰贖金為贈不納覩者皆哭至京与
解公各杖八十下刑部獄余趨視之獄中創雖重神

氣未損独以虧体辱親為言越數日戶部主事葉公
廷秀救公疏上杖一百削籍為民葉公濮州人誨程
朱李与公初未相識疏自分必死檣尉至即与偕行
將拜杖言笑自若覽杖者亦為心折公久繫醫治累
可而太孛生涂仲吉疏又上杖如葉公涂即公郡人
激于義壯年叢懷納言施公邦耀坐落戍馬公思理
並下詔撤矣復提公及解公对北司簿仍即家逮葉
公廷訊日葉問孰為閹黃公者二公于是恨相見晚

也北司師逼僭党与煨煉酷極无所得实謬指數員
塞責有崑山諸生朱永明者持百錢將遺仲吉亦在
繫中並送部擬罪疏上屢嚴駁声息洵二西曹莫必
其命余為拉同鄉蔣公德璟王公家房謁謝德州公
請之謝太息曰死矣遲秋為幸間之失色摠閱承韓
城毒澱之後餘威尚震武雖陵以臂輔出栖得遙叅
宣督遂入為中樞同恨公前疏刺骨同年費縣并研
誼漠如滑縣且下石矣宜吳周公新召至衆喁喁想

望風采公前斯壬申褫職屬周為政頗內愧至是諸
名流力懲愚之婉代開釋得免死改永遠戌公在獄
中手寫孝經百餘本流傳為室所著易象正一書直
于血肉淋漓指節垂斷時成之二十圖六十四象正
天心出月窟自二三高足外鮮能傳其孝者董生繁
露節子皇極方之禘矣公沈酣易象晚若前知其以
都事皇居不免縲絏既就逮送者有蕭子易水之咏
公曰无憂但書完三千紙者出矣卒驗戌楚辰州取

道復抗大滌與諸生極論朱陸同異過九江病瘧更
取易象正刑定之曰后世誰復定此者間循省身世
中夜酸淒自己巳出得禱辛丙子出得繫繫九死一
生方當以望六之年荷戈赴伍道之將廢也與命也
可奈何不圖上意終念公諭黃某清操力孝尚堪策
勵特准赦罪還旼旨下中外感泣是役緣周公于諱
遂平章他疏馴及公余與同里蔣公同贊身說願初
冀得脫戎籍幸矣竟復原官^喜出望表本聖主乾斷度

越百王之卒而天下亦以是差亮宜與子公疏謝稱
病兼為解葉二公祈免以癸未春抵家暇開山得蓬
萊峽營治講舍其間秋孝經集傳成冬坊記表記集
傳成甲申合浦之明誠堂其日郡邑畢至孝秀咸來
堂設先聖矣坐具鐘磬琴瑟立監史讀誓戒以次問
雖訖即帝歌詩賓主百拜酬酢徐成禮還自是令鄴
園者三禮如之忽燕都三月十九日變聞自洪武戊
申迄崇禎甲申二百七十五年從河洛之數為豫樞

未際同歷西周公子璣象二書已預言之甚云同曆
西周者將有望于東也弘光立起公吏部侍郎禮部
尚書過泉與余輩登源山北向揮涕金以江九尺吾
望公比至觀事无可為自請祭禹陵行苗都覆函續
建号特陰公將相之任而故尼其权竟以捐軀其故
余難言之矣難言之矣公自云初出都泊龍江灣夢
高皇帝至房產云卿竟舍朕去耶公對朝廷舍臣非
臣舍朝廷寤惴惴而泣又甲子散飯夕夢神宗危坐

甚偉呼近前大聲云汝能勝人道在自朕公恒鑄此
八字自佩又丙子賜環入都夢于闕神庙見文皇垂帷卧
擁被屬指者再云三九四七誠如所云意指易象中
命曆也公自係宗廟社稷之身陟降有灵不盡為末
造二主漳人因言公有小冊子自推年曆至丙戌正
蜜悟宿因其初覆釣龍江所觀殿額倪黃二字卒與
上虞倪公同致命遂志千秋為烈士異聞也公奏疏
詩文證錄槩宜全誦不便割入狀中殉節某地某年

月日別有能識之者溯公生萬曆乙酉得年六十有
二元配林氏繼娶蔡氏子男四曰中成和平俱蔡出
舊史氏曰公狀召公不詳其最后一着媿與畏與昔
夷齊采薇之歌論孟剛載至司馬遷始詳言之春秋
止獲麟其仲尼卒以后有待續書抑亦其例子公瀕
歿自識云防風雖倒枕函一節以問尼丘嗚呼世誰
可問者其需之聖人復起也夫庚寅季冬東厓黃景
昉識

先人生平德業以及致命遂志諸為本傳紀實者
代不一家闡微扶幽莫可殫述獨東厓相公卒立
朝居身之大槩列為行狀迨世久澤湮繼以兵燹
載籍竟成灰壁嗚呼遭家不造多難三堪盡弗幹
薪弗荷痛前烈之不章也爰手勒成編所賴好我
鉅儒被其雲漢千秋信史錫之貞珉僅兄弟无任
感激之至


男子中

姪子堡 疏

附記 或曰清將張天祿引兵徽州公親往招之
天祿即得公解南京內院及入見公問內院姓氏
左右曰洪承疇公大罵曰吾福建洪承疇昔年已
死節先帝曾賜祭葬立祠京師他是忠臣豈有如
此不肖者斷必假冒公尋殺于南京清水潭按此
与左公懋第之罵承疇略同姑志之 八月廿九
公丁亥二月十二致命詞四首

陋巷慚顏回行箒負篋蕭風煙起造次毛羽合飄搖
火熾難栖鰭江橫舍渡橋可憐佩委者燕坐花朝
劫火愁開眼冰輪倦着身持危千古事失路一時人
碧血流芳草白頭追釣綸更何遺恨交燥熨為君親
諸子收吾骨青天知我心為誰分板蕩不敢共浮沈
崔怨深山淺雞啼終夜陰南陽山路遠恨作卧龍吟
搏帟仍之野投豺又出闕席心如可卷崔髮久難刪
怨子不知怨問人安得問乾坤枕半壁何忍道文山

戊午十一月廿九雪
天晚刻徐飯補書



九月十四日細井謨謹按

齋岐樂崇

[Faint bleed-through text from the reverse side of the page, including characters like '天', '晚', '刻', '徐', '飯', '補', '書']

